

## Edizione diplomatico-interpretativa

|   |   |
|---|---|
|   | I   |
| <p>Au tens plain de felo<br/>nie denuie et de traision. de<br/>tort et de mesprison. sanz se(n)z<br/>(et) sans cortoisie. et que entre<br/>nos barons faisons tout le<br/>siecle empirier. q(ue) ie uoi esco(n)<br/>menier. ceus qui plus ai<br/>ment raison. lors ueil dire<br/>une chancon.</p> | <p>Au tens plain de felonie,<br/>d?envie et de traïson,<br/>de tort et de mesprison,<br/>sanz senz et sans cortoisie,<br/>et que entre nos barons<br/>faisons tout le siecle empirier,<br/>que je voi esconnenier<br/>ceus qui plus aiment raison,<br/>lors vueil dire une chançon.</p> |
|   | II  |
| <p>Li roiaumes de surie nos dit<br/>(et) crie ahaut ton. se nos ne<br/>nos amendon. por dieu que<br/>ni alons mie. ne ferions se<br/>mal non. dex aime fin cuer<br/>droiturier. de tex seveut il<br/>aidier. cil essauceront son<br/>non. (et) conquerront sa maiso(n).</p>                       | <p>Li roiaumes de Surie<br/>nos dit et crie a haut ton,<br/>se nos ne nos amendon<br/>por Dieu! Que n?i alons mie:<br/>ne ferions se mal non.<br/>Dex aime fin cuer droiturier,<br/>de tex se veut il aidier;<br/>cil essauceront son non<br/>et conquerront sa maison.</p>             |
|   | III   |
| <p>Encore aim melz toute uoie<br/>demorer el sains pais. que<br/>aler poure (et) chaitis la ou<br/>ia solas nauroie. phelipe<br/>on doit paradis conquerre<br/>por mesaise auoir. que uos<br/>ni troueres ia uoir. bon este<br/>ne gieu ne ris. que uos a<br/>uies apris.</p>                     | <p>Encore aim melz toute voie<br/>demorer el sains païs<br/>que aler povre et chaitis<br/>la ou ja solas n?avroie.<br/>Phelipe, on doit Paradis<br/>conquerre par mesaise avoir,<br/>que vos n?i troveres ja, voir,<br/>bon este ne gieu ne ris<br/>que vos avïes apris.</p>            |
|   | IV  |

|   |   |
|---|---|
| <p>Amors acoru enproie. et<br/>si men maine tout pris. en<br/>lostel ce mest aus dont ia<br/>issir ne querroie. sil estoit a<br/>mon deuis. dame de qui bi<br/>autes fait oir. ia de prison<br/>nistrai uis. ainz morai loi<br/>aus amis.</p>   | <p>Amors a coru en proie<br/>et si m?en maine tout pris<br/>en l?ostel, ce m?est avis,<br/>dont ja issir ne querroie<br/>s?il estoit a mon devis.<br/>Dame, de qui biautes fait oir,<br/>ja de prison n?istrai vis,<br/>ainz morai loiaus amis.</p>   |
| <p>V</p> <p>Dame moi couient remei(n)<br/>dre. de uos ne me quier par<br/>tir. de uos amer ne seruir.<br/>ne me soi onques ior fain<br/>dre. si me uaut bien (un) mo<br/>rir. lamors qui massaut<br/>souuent. ades u(ost)re merci a<br/>tent. que biens ne me pe<br/>ut uenir. senest par u(ost)re<br/>plaisir.</p> | <p>Dame, moi covient remeindre,<br/>de vos ne me quier partir.<br/>De vos amer ne servir<br/>ne me soi onques jor faindre,<br/>si me vaut bien un morir<br/>l?amors qui m?assaut souvent.<br/>Adés vostre merci atent,<br/>que biens ne me peut venir,<br/>se n?est par vostre plaisir.</p> |
| <p>VI</p> <p>Chancon ua me dire bo<br/>rent. quil segart bien ou<br/>treement de grant folie<br/>enuair. quen lui auroit<br/>faus maintenir.</p>  | <p>Chançon, va me dire Borent<br/>qu?il se gart bien outrement<br/>de grant folie envair,<br/>qu?en lui avroit faus maintenir!</p>  |

- letto 134 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

**Source URL:** <https://letteraturaeuropaea.let.uniroma1.it/?q=laboratorio/edizione-diplomatico-interpretativa-2397>